

ՎԱՆԻ ԹԱԳԱՎՈՐՈՒԹՅԱՆ ՄԱՐՏԱԿԱՌՔԵՐԻ ՀԱՐՑԻ ՇՈՒՐՋ

Հ. Գ. Ավետիսյան

Ն. Հ. Ավետիսյան

Վերջին տասնամյակներում Հայկական լեռնաշխարհի տարբեր հատվածներում կատարված պեղումները զգալիորեն թարմացրին Վանի թագավորության պատմության և մշակույթի ուսումնասիրության աղբյուրագիտական հիմքը: Նորահայտ նյութերի հետ մեկտեղ շրջանառության մեջ մտան ավանդական պատկերացումներից արմատապես տարբերվող նոր մեկնաբանություններ ու տեսակետներ: Մասնավորապես, Արևմտյան Հայաստանում, Վանա լճի առափնյա շրջաններում և Հայաստանի Հանրապետության տարածքում կատարված պեղումներն առիթ տվեցին, որպեսզի ուրարտական մշակույթի ծագումնաբանության և զինարվեստի հարցերը նոր տեսակետով գիտական ասպարեզ մտնեն¹: Հրապարակի վրա են նաև Վանի թագավորության կործանման, ավարտական փուլի նոր մեկնաբանություններն և թվագրությունը, արքայացանկում փոփոխություններ կատարելու առաջարկները և այլն: Ռ. Բառնետի, Տ. Սուլիմիրսկու, Ֆ. Քյոնիգի կողմից առաջ քաշված այն տեսակետը, որ Վանի թագավորությունն անկում է ապրել մ.թ.ա. 640-ական թվականներին, ներկայումս պաշտպա-

¹ Տե՛ս. Հ. Գ. Ավետիսյան, Պ. Ս. Ավետիսյան, Արարատյան դաշտի մշակույթը մ.թ.ա XI-VI դդ., Երևան, 2006, էջ 3-4:

V. Sevin, The Origins of the Urartians in the light of the Van/Karagündüz Excavations, *Anatolian Studies*, 49, 1999, pp. 159-164; Reindell I., Salvini M., Die urartäischen Hohlmaße für Flüssigkeiten, *SMEA*, 43, 2001, S. 119-139; Zimansky P., *Ancient Ararat. A Handbook of Urartian Studies*, Delmar, New York, 1998. Özguç T., *Altintepe. Türk Tarih Kurumu Yayınlanından*, Series 5, no. 24, Ankara, 1966; Özguç T., *Altintepe II. Türk Tarih Kurumu Yayınlanından*, Series 5, no. 27, Ankara, 1969; Özguç T., *Urartu and Altintepe*, "Archaeology" 22, 1969, p. 256-263; Lloyd S., *Burney Ch.A., Excavations at the Urartian Citadel of Kayalidere*, "Türk Arkeoloji Dergisi", 14 (1-2), 1965, s. 217-222; Tarhan M.T., *Recent Research at the Urartian Capital Tushpa*, "Tel Aviv", 21, 1994, p. 22-57; Salvini M., *Reflections about the Urartian Shrines of the Stelae*. In: "Aspects of Art and Iconography: Anatolia and Its Neighbors". *Studies in Honor of Nimet Özguç*, ed. J.M.Mellink, E.Porada, T. Özguç, Ankara, 1993, p. 543-548; Çilingiroğlu A., *The Early Iron Age at Dilikaya*. In *Anatolian Iron Ages. The Proceedings of the Second Anatolian Iron Ages Colloquium Held at Izmir (4-8 May, 1987)*, ed. A. Çilingiroğlu, D.H. French, Oxford, 1991, p. 29-38; Zafer D., *The Urartian Cremation Jars in Van and Elaziğ Museums*. In: *Anatolian Iron Ages 3. The Proceedings of the Third Anatolian Iron Ages Colloquium Held at Van (6-12 August, 1990)* ed. A. Çilingiroğlu, D.H. French, Ankara, 1994, p. 49-62; Kutlu E., *Altintepe'de Urartu Seramiği (The Urartian Pottery from Altintepe)*, *Belleten*, 1969, 33, s.291-301; Korbe G., Sağlamtimur H., Çevik Ö., *Potteri*. In: "Ayanis I. Ten Years' Excavations at Rusahinili Eiduru-kai 1989-1998" (Eds. A. Çilingiroğlu, M.Salvini), Roma, 2001, p. 85-153; Sevin V., Özfirat A., Kavakli E., 1997-1998 Van/Altintepe Urartu Nekropolü Kazibari, "Kazi Sonuçları Toplanisi", XXI/1, Ankara, 2000, s. 421-434.

նում են Ս. Կրոլը, Մ. Սալվինին, Պ. Զիմանսկին և այլոք¹: Հատկապես կարևոր է Ուրարտական մշակույթի ուսումնասիրության հիմնախնդիրը:

Այս հարցի շուրջ իրենց հստակ դիրքորոշումն են արտահայտել վերոհիշյալ գիտնականները: Սակայն այսօր, պեղված և գիտական շրջանառության մեջ դրված մշակութային նմուշները նոր տեսակետների և ենթադրությունների հնարավորություններ են ընձեռում: Ուրարտական մշակույթի տիպաբանական կազմը ցույց է տալիս, որ Վանի թագավորության գոյատևման 250 և ավելի տարիների ընթացքում մշակութային գտածոները ձևաբանական խիստ փոփոխություններ էին կրել: Դրանք պետականության շրջանակներում ստանդարտացված արհեստագործական նմուշներ են, որոնք պատրաստվել են պետության պատվերով՝ օգտագործվել են ինչպես ներքին կարիքները բավարարելու, այնպես էլ երկրի ծայրամասեր արտահանելու համար: Հատկապես այդ երևույթը իր վառ արտահայտությունն է գտել Վանի թագավորության հուշարձաններում:

Բնականաբար, այս հանգամանքը կանխորոշիչ դեր պետք է ունենար ինչպես Վանի թագավորության կազմավորման, այնպես էլ գոյատևման հետագա փուլերում: Ակնհայտ է նաև, որ վերոհիշյալ իրավիճակը փաստող ելակետային տվյալների վերլուծությունները կարևոր նշանակություն են ձեռք բերում, այսպես կոչված՝ ուրարտական էքսպանսիային «համընթաց ձևավորող նոր իրողությունների քաղաքական, ռազմական, տնտեսական համակարգի, վարչատարածքային ստորաբաժանումների, սոցիալական կազմի դրանցով պայմանավորված՝ Վանի թագավորության, որպես տերության կազմավորման «մեխանիկան» հասկանալու և վեր հանելու համար: Նշենք նաև, որ «ուրարտական էքսպանսիա» ասելով նկատի ունենք ոչ միայն ռազմական նվաճումները, այլև մշակութային նոր իրողությունների տարածումն ու արմատավորումը տարածաշրջանում:

¹ Տե՛ս. Գ.Գ. Ավետիսյան, Պ.Ս.Ավետիսյան, Արարատյան դաշտի մշակույթը Մ.թ.ա XI-VI դդ, Երևան, 2006:

R. D. Barnett, Further Russian Excavations in Armenia, Iraq, 21, 1959, pp. 1-19. T. Suliminski, Scythian Antiquities in Western Asia, "Artibus Asiae", 17, 1954, pp. 282-318. F. W. König, Handbuch der Chaldischen Inschriften, Archiv für Orientforschung, Graz, 1955-57. St. Kroll, Urartus Untergang in anderer Sicht, Istanbul Mitteilungen, 34, 1984, s. 151-170. M. Salvini, Geschichte und Kultur der Urartäer, Darmstadt, 1995. P. Zimansky, The Kingdom of Urartu in Eastern Anatolia, Civilisations of the Ancient Near East, II, New York, 1995, pp. 1140-1141. Մույնի Archaeological inquiries into ethnolinguistic diversity in Urartu, in: Greater Anatolia and the Indo-Hittite Language Family, Journal of Indo-European Studies, Monograph Number 38, Washington D.C. 2001, p. 15-27. Տե՛ս նաև՝ W. Kleiss, Bastam II, Ausgrabungen in den Urartäischen Anlagen 1977-78, Berlin, 1988. Ph. Kohl, St. Kroll, Notes on the Fall of Horom, Iranica Antiqua, v. XXXIV, 1999, pp. 243-259. И.Н. Медведская, Периодизация скифской архаики и древний Восток, Российская Археология, 1992, 3, с. 86-107, И. М. Дьяконов, Киммерийцы и скифы на древнем Востоке, Российская Археология, 1994, 1, с. 108-116, Г. Н. Курочкин, Хронология переднеазиатских походов скифов по письменным и археологическим данным, Российская Археология, 1994, 1, с. 117-122.

Հայաստանի տարածքում վերջին տասնամյակներում կատարված պեղումները նույնպես զգալիորեն ընդլայնել են տարածաշրջանի մ. թ. ա. XI-VI դդ. պատմության և մշակույթի ուսումնասիրության ազդեցության համար սկզբունքային նշանակություն ունեն հատկապես երկաթդարյան հուշարձանների պեղումների արդյունքները: Սակայն կուտակված տվյալներն ու նյութերը վերը նշված առումներով արժեքավորման կարիք ունեն: Հատկանշական է, որ Կարմիր բլուրի պեղումներից հետո հատուկ ուսումնասիրության առարկա դարձան ուրարտասկյութական փոխառնչությունները, սակայն բուն տարածքների մինչուրարտական և Վանի թագավորների նվաճումներից հետո հնագիտական իրողությունների համեմատության արդյունքները ներկայացնում էին թուղթիկ արկնարկների միջոցով: Նշված խնդիրներին մեծ ուշադրություն է դարձրել Հ. Մարտիրոսյանը: Մեծանուն գիտնականը փաստորեն առաջին անգամ, կոնկրետ նյութերի վերլուծության արդյունքից ելնելով, սահմանեց Վանի թագավորության կազմի մեջ ընդգրկված անդրկովկասյան հասարակությունների մշակույթի հիմնական տարբերակի հատկանիշների կազմը, դրանց առանձնահատկություններն ու կապը մինչուրարտական փուլերի հետ: Միաժամանակ, մի շարք հնագիտական համալիրների նյութերի վերլուծությամբ վեր հանվեց ուրարտական մշակույթի հսկայական ազդեցությունը «տեղաբնիկների մշակույթի» վրա¹: Ուրարտական և «վաղ հայկական» մշակույթների ժառանգական կապերի վերհանման առումներով բացառիկ տեղ ունեն Գ. Տիրացյանի դիտարկումներն ու փաստագրումները²:

Այսպես կոչված «ուրարտական» և «տեղական» մշակույթների փոխազդեցության փաստերի վերահանման նպատակով, Վանի թագավորության մշակույթին անդրադարձել են Ս. Եսայանը, Է. Խանդադյանը, Հ. Ավետիսյանը, Ս. Հմայակյանը և այլոք:

Միաժամանակ Մեծամորի, Օշականի և Արամուսի պեղումների արդյունքներն ու դրանց մեկնաբանությունները հիմնովին թարմացրեցին տարածաշրջանի մ.թ.ա. XI-VI դդ. պատմահնագիտական համապատկերի

¹ Б. Б. Пиотровский, Кармир-Блур I, Ереван, 1950, с. 86-97, Մույնի Ванское царство, Москва 1959.

² А. А. Мартиросян, Раскопки в Головино, Ереван, 1954, Մույնի` О древнем поселении и могильнике близ Ленинакана, КСИИМК, 55, 1954, с. 106-116, Մույնի Раскопки в Кировакане и некоторые памятники раннеурартского периода (IX-VIII вв. до н. э.), Լրաբեր հասարակական գիտությունների, 9, 1956, էջ 61-84, Մույնի Город Тйшебаини, Ереван, 1961, Մույնի Армения в эпоху бронзы и раннего железа, Ереван, 1964.

վերակազմության աղբյուրագիտական հիմքը¹: Նշենք նաև, որ Հայաստանի տարածքի երկաթեղարյան հուշարձանների պեղումներից ձեռք բերված նյութերի ուսումնասիրության ընթացքում տարբեր հեղինակներ անդրադարձել են այս խնդիրներին արձանագրելով փոխազդեցությունների անառարկելի փաստերը²:

Սակայն «ուրարտական մշակութային էքսպանսիան» և նրա ընթացքի, հետևանքների և դրսևորման առանձնահատկությունների լուսաբանման «հնագիտական ասպեկտները», որպես ինքնավար խնդիր, չեն արժեքավորել և քննարկման առարկա չեն դարձել:

Մինչդեռ, մ. թ. ա. XI – IX դդ խիստ ինքնատիպ մի մշակութային արեալի կարևորագույն կենտրոն հանդիսացող և նոր տերություն ձևավորման սկզբնափուլից «ուրարտական մակույթի» խոշորագույն անկլավի վերածված տարածաշրջանի պատմահնագիտական իրավիճակի փուլ առ փուլ վերակազմությունը և համեմատական քննությունը բազմաթիվ հարցերի պատասխան են ենթադրում: Ուրարտական մշակույթի ուսումնասիրությունը ներկայացվում է վերը նկարագրված տեսակետների համատեքստում; որի համար ելակետային նշանակություն ունի ուրարտական համալիրներից Հայտնաբերված գտածոների արժեքավոր բազմաքանակ հավաքածուները:

Վանի թագավորության զինարվեստին վերաբերող մարտակառքերի և հեծյալների բազմաթիվ հետաքրքիր պատկերներ են հանդիպում բրոնզե վահանների, գոտիների, կապարճների, սաղավարտների, կնիքների և այլ հնագիտական արտեֆակտների վրա: Բացի այդ ուրարտական և ասորեստանյան գրավոր աղբյուրներում՝ սեպագիր տեքստերում առատ տեղեկություններ կան երկրների նվաճման, այլ ավարների հետ մեկտեղ գնեքեր, հեծկան ձիեր, ծանր ու թեթև մարտակառքերի մասին: Այսպես՝ Թիգլաթպալասար 1-ինը իր արձանագրություններում հայտնում է, որ ինքը Նաիրիի 60, մյուս դեպքում 23 թագավորների ջախջախելով գրավել է հարյուրավոր մարտակառքեր և հազարավոր ձիեր: Ավելի շատ տվյալներ կան Արգիշտի 1-ինի արձանագրություններում: Դրանցից մեկում Արգիշտին նշում է, որ Դիաուխից նա գրավել է 4426 ձի: Բացի այդ, պարտությունից հետո Դիաուխիի թագավորը նվիրել է 1000 ձի, պարտավորվելով տարեկան տալ ևս 300 հեծկան ձի: Ուրարտական զինարվեստի բարձր մակարդակի


մասին է վկայակոչված ասուրական տիրակալ Սարգոն 2-րդի մ.թ.ա. 714թ. թողած սեպագիր արձանագրության մեջ: Սարգոն 2-րդը միայն Մուսասիրի տաճարում գրավել է 114 տոննա պղինձ և տարբեր առարկաներ: Դրանց թվում տիրակալը նշում է 25212 ծանր և թեթև վահաններ, 1514 նիզակ, 305412 ծանր և թեթև թրեր, 607 անոթներ, Սարգուրի 1-ի, Արգիշտի 1-ի, Թուսա 1-ի արձանները: Ուշագրավ է նաև այն փաստը, որ Վանի թագավորների կողմից Ուրմիայի շրջան ուղարկված արշավի ժամանակ բանակում կար 106 մարտակառք, 9174 հեծյալ և հազարավորների հասանող հետևակ:

Էրեբունուց, Կարմիր բլուրից (Թեյշեբաինի), Արգիշտիխինիլի, Արևմտյան Հայաստանի հնավայրերից՝ Վան, Հայկաբերդ, Այանիս և այլն հայտնաբերված գտածոների վրա պատկերված են ռազմական գործողություններ, արքունական որսի և պաշտամունքային արարողությունների տեսարաններ: Հատկապես առատ տեղեկություններ են պատկերագրված բրոնզե գոտիների վրա: Հնագույն վարպետները մանրամասնորեն նկարել են մարտակառքը, ձիերին առանձին հեծյալների, որոնք հետապնդում են ցուլերին ու առյուծներին, թշնամուն, որոնց մի մասն արդեն վիրավոր են և նրանց մեջքերին, կրծքերին, վզերին ցցված են նետեր: Բոլոր հեծյալները պատկերված են շարժման մեջ: Հեծյալները և մարտակառքերը սլանում են արշավով, կենդանիների մի մասը սրարշավ փախչում կամ հարձակվում են որսորդների վրա, իսկ մյուսները մահացած են կամ մահամերձ փորձում են բռնել մարտակառքի անիվները: Պատկերված են զինվոր՝ կառապանը և նետաձիգը, նիզակակիր զինվորը: Հետաքրքիր է, որ զինվորներից ոչ մեկը չունի վահան, չնայած այն հանդիպում է Կարմիր բլուրում և այլ տեղերից գտնված հեծյալների ձեռքում: Հետաքրքիր է, որ այս մարտակառքերը նման են Կարմիր բլուրի սաղավարտների վրա պատկերված մարտակառքերին և, ինչպես այդ մարտակառքերը, ունեն թեթևացած թափք և վեց, յոթ ճաղանի անիվներ: Ձիերը լծված են խամուլով: Նրանց մեջքերը ծածկված են շքեղ ծածկոցներով և վարվում են սանձափոկերով: Ձիերի գլուխները զարդարված են հովհարաձև և զանգակաձև զարդերով: Մարտակառքերի թափքերում կանգնած զինվորների և հեծյալների գլուխները ծածկված են սրածայր սաղավարտներով: Նման պատկերներ պահպանվել են և այլ գոտիների վրա: Այսպես, Ադանայի թանգարանի և Արևմտյան Հայաստանի այլ վայրերից գտնված բազմաթիվ գոտիների, վահանների, սաղավարտների վրա պատկերված են որսի տեսարաններ, որտեղ չնայած սյուժեի տարբերությունը, մարտակառքերի և հեծյալների պատկերները գրեթե չեն տարբերվում: Այս տեսակետից ավելի հետաքրքիր է Ներքին խնձորի (Կայալի դերե) ամրոցից գտնված բրոնզե գոտու բեկորը: Այստեղ պարզ երևում

¹ Г.А. Тирация, Культура древней Армении: VI в. до н.э III- в. н. э., Ереван, 1961, 601-61 Урарту и Арменуй (к вопросу о преемственности материальной культуры), II международный симпозиум по армянскому искусству, Ереван, 1978, с. 181-191.
² Է. Վ. Խանգաղյան, Վ. Գ. Սկրտչյան, Է. Ս. Պարսամյան, Սեծամոր, Երևան, 1973, Ս. А. Есаян, А. А. Калантарян, Ошакан, I, Ереван, 1988., Գ. Գ. Ավետիսյան, Պ. Ս. Ավետիսյան, Արարատյան դաշտի մշակույթը մ.թ.ա. XI-VI դդ., Երևան, 2006:

են երկու մարտականք և թափքում կանգնած սրածայր սաղավարտներով երեք զինվոր, որոնցից մեկը կառավարում է կառքը, մյուսը արձակում է նետը, երրորդը նիզակով խփում է թափքի վրա հարձակվող առյուծին: Ոչ պակաս հետաքրքրություն է ներկայացնում Մեծամորի բրոնզե գոտին, որտեղ այլ կենդանիների հետ մեկտեղ երևում է նաև ազատ վազող ձի: Այստեղ պատկերված է մի մարտականք և մի հեծյալ: Պատկերված մարտականքի թափքում, ի տարբերություն բոլոր մյուս մեզ հայտնի մարտականքերի, երևում է մեկ զրահակալի զինվոր: Գոտիների վրա պատկերված տեսարաններում աչքի են ընկնում մարտականքերի և հեծյալների մասնակցությունը առյուծների և ցուլերի հետապնդումները: Այս որսորդների վրա, ինչպես և էրեբունիի գոտիների տեսարաններում հարձակվում են ինչպես գիշատիչներ, այնպես էլ ցուլեր: Այստեղ պատկերված մարտականքերը պատկանում են թեթև մարտականքերի տեսակին: Դրանց թափքում կանգնած է կառպանը և նետածիզ զինվորը: Սակայն տեսարանը արված է ազատ ոճով: Ոչ մի մարտականք չունի քաշան: Ձիերը կարծես ազատ վազում են մարտականքի ետևից, իսկ դրա փոխարեն պարզ պատկերված են սանձափոկեր: Անիվներն ունեն չորս, վեց ճաղ, որոնք մեծ մասամբ ձևավոր են և միայն մի քանիսն ունեն ուղիղ ձողերի ձև: Հեծյալները կառավարում են ձիերին սանձափոկերով կամ փոքրիկ փայտիկով: Ձիերի մի մասի պոչերը ազատ արձակ են և ծածանվում են, մյուսները կարճ կապած են: Ձիերի գլուխները զարդարված են հովհարաձև զարդով: Հեծյալներն ունեն նիզակներ, սաղավարտներ, սակայն չունեն վահաններ: Մարտականքերի զինվորները զինված են սաղավարտներով ու նետ ու աղեղով: Երևանից գտնված գոտիներից մեկի վրա պատկերված տեսարանում կան թևավոր ձիեր, որոնց սմբակների փոխարեն առյուծի թաթեր են: Մարտականքերի մի մասը պատկերված են սրընթաց վազողով, իսկ մյուսները հանդիսավոր երթի ձևով: Ձիերը շարժվում են ազատ՝ բարձրացրած ձախ կամ աջ ոտքերը:

Հետաքրքիր արվեստի նմուշ է Տոկիոյի թանգարանում պահվող գոտիներից մեկը: Նրա ամբողջ մակերեսը ծածկված է որսի տեսարանով: Ձախ կողմում պատկերված առյուծներին և ցուլերին հետապնդում են ձախ ձեռքում վահաններով զինված հեծյալները: Ձախ ձեռքում նրանք պահում են սանձը, իսկ աջում՝ նիզակներ, որոնցով նրանք հարվածում են կենդանիներին: Հեծյալներն ու ձիերը տրված են խիստ ոճավորված, միայն երևում է, որ նրանք վազում են արշավով, առանց որևէ մանրամասների ընդգծման, իսկ հեծյալների գլխին կան նաև սրածայր սաղավարտներ: Աջ կողմում պատկերված են նաև հեծյալներ, որոնք հետապնդում են առյուծներին ու ցուլերին:



Իսպանիայից: Գոտիների վրա պատկերված տեսարանները: Մասնավորապես՝ զինվորների և զարդարված ձիերի պատկերները:

Գոտու աջ հատվածի ծայրում պատկերված են Հինգ մարտակառքեր, որոնցից յուրաքանչյուրի թափքում կանգնած են երկու զինվոր: Ինչպես և մի շարք այլ գոտիների վրա՝ մարտակառքի թափքի վրա են հարձակվում վիրավոր առյուծներ: Այստեղ առյուծներից մեկը բարձր թռիչքով հարձակվում է զինվորներից մեկի վրա, բայց նետահարվում է և վայր ընկնում: Մարտակառքերը և ձիերը ոչնչով չեն տարբերվում մյուս գոտիների վրա եղած պատկերներից: Այս գտածոների մեջ բացառիկ արժեք է ներկայացնում Վերին Անգաֆից պեղված վահանի վրայի պատկերը, որտեղ պատկերագրված է աստվածների շքերթը և պատերազմի տեսարան: Ուրասրտակն աստվածներին առաջնորդում է Խալդին: Պանթեոնի աստվածները պատկերված են շքեղ սպառազինությամբ և հանդերձանքով: Ռազմական գործողությունների մանրամասն նկարագարողումը կատարված է մեծ վարպետությամբ: Հատկապես հետաքրքիր է մարտակառքը, որն աչքի է ընկնում սրընթացությամբ:

Ի մի բերելով շարադրանքը կարող ենք հաստատագրել, որ Վանի թագավորության զինարվեստում բացառիկ նշանակություն ունեւր մարտակառքերի գորատեսակը, ինչը ուրարտական բանակի հիմնական և կարևոր բաղադրիչներից էր: